

611200	Naknade troškova zaposlenih			9.055,00	0,00	9.055,00
611211	Naknada za prevoz	011	0111	1.100,00		1.100,00
611221	Naknada za topli obrok tokom rada	011	0111	7.955,00		7.955,00
612100	Doprinosi na teret poslodavca			8.500,00	0,00	8.500,00
612100	Doprinosi na teret poslodavca	011	0111	8.500,00		8.500,00
613000	Izdaci za materijal i usluge			55.500,00	0,00	55.500,00
613115	Putni troškovi	011	0111	500,00		500,00
613329	Ostale kom.usluge parking	011	0111	300,00		300,00
613919	Ostali izdaci za informisanje-pretplata	011	0111	2.000,00		2.000,00
613922	Usluge stručnog obrazovanja	011	0980	2.000,00		2.000,00
613962	Troškovi spora i sudske presude	011	0330	50.000,00		50.000,00
613983	Posebna naknada na plaće 0,5%	011	0111	700,00		700,00
U K U P N O T E K U Ć I R A S H O D I				204.000,00	0,00	204.000,00

Član 4.

O korištenju sredstava tekuće budžetske rezerve odlučuje Općinski načelnik, koji kvartalno podnosi izvještaj Općinskom vijeću o utrošcima.

Član 5.

Na osnovu člana 60. Zakona o budžetima ("Službene novine Federacije BiH", broj 102/13, 9/14, 13/14, 8/15, 9/15, 102/15, 104/16, 5/18, 11/19, 99/19, 25a/22, 7/25 i 6/26) svako korištenje tekuće rezerve se objavljuje u "Službenim novinama Kantona Sarajevo".

Za tekuću rezervu planirana su sredstva u iznosu od 100.000,00 KM.

Član 6.

Ova Odluka stupa na snagu danom usvajanja, a naknadno će se objaviti u "Službenim novinama Kantona Sarajevo", a primjenjuje se od 01.06.2026. godine.

Broj 01-02-6268/2026
18. maja 2026. godine
Hadžići

Predsjedavajući
Općinskog vijeća Hadžići
Dženan Rizvo, s. r.

Na osnovu člana 32. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 14. i 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/13 - Ispravka, 11/18 i 1/20), Općinsko vijeće Hadžići, na 18. sjednici, održanoj dana 18.05.2026. godine donosi

ODLUKU O PRISTUPANJU IZRADI PLANA PARCELACIJE "CREPLJANI"

Član 1.

Granice područja za koje se Plan radi

Granica obuhvata polazi od tromeđe parcela k.č. 538, 537 i 1667, zatim produžava na sjever, te istok idući međama parcela k.č. 538, 539, 545, 544 (obuhvata ih) i dolazi do tromeđe parcela k.č. 545, 546 i 532, skreće na jug, te zapad idući međama parcela k.č. 545, 541/2, 540, 538 (obuhvata ih) i dolazi do mjesta odakle je opis granice i počeo.

Sve gore navedene parcele se nalaze u k.o. Lokve, Općina Hadžići.

Površina obuhvata iznosi 1,76 ha.

Prema Prostornom planu Kantona Sarajevo za period od 2003. do 2023. godine ("Službene novine Kantona Sarajevo", br. 26/06, 4/11, 22/17 i 17/24) predmetno područje se nalazi u vanurbanom području Općine Hadžići, u granici građevinskog zemljišta.

Član 2.

Smjernice za izradu Plana

Cilj izrade Plana je definisati funkcionalnu prostornu cjelinu u svemu primjerenu području evidentiranog prirodnog naslijeđa, planinskom rejonu (iznad 750 m.n.v.), podnožju planine Igman i prema sljedećim smjernicama:

- Analizirati postojeće stanje i prostornu organizaciju definisati tako da se omogući racionalna interpolacija arhitektonskih objekata i infrastrukture u prirodnu cjelinu, uz očuvanje postojećeg stanja u najvećoj mogućoj mjeri, u skladu sa konfiguracijom terena, vegetacijom i vizurama koje se pružaju na okolinu, vodeći računa i o vizurama koji se pružaju prema obuhvatu Plana, odnosno ukupnom vizuelnom aspektu područja.
- Planirati građevinske parcele površine najmanje 600 m², za izgradnju rezidencijalnih objekata u funkciji turizma.
- Dozvoljeni procenat izgrađenosti građevinske parcele (Pi) do 20%.
- Dozvoljeni koeficijent izgrađenosti građevinske parcele (Ki) do 0,6.
- Maksimalna spratnost objekta do SP1, zavisno od konfiguracije terena.
- U potpunosti zaštititi vegetacijski oblikovane cjeline i maksimalno očuvati postojeći sastav biljnih vrsta, posebno stablašica, uz prijedlog unaprijeđenja njihove strukture.
- U okviru pojedinačne građevinske parcele potrebno je postojeći prirodni teren očuvati u obimu od najmanje 70% od njene ukupne površine.
- Sve pješačke površine trebaju biti izrađene od prirodnih materijala.
- Saobraćajnu, hidrotehničku, elektroenergetsku, energetsku i telekomunikacionu infrastrukturu planirati i funkcionalno dimenzionirati u skladu sa prostornom organizacijom i propisima, a na osnovu prethodno provjerenih kapaciteta postojećih mreža i

mogućosti njihovog korištenja za planirane sadržaje, poštujući u svemu rješenja iz planova višeg reda, uz obavezno usaglašavanje sa uslovima koje propiše nadležne institucije i preduzeća, pri čemu je neophodno voditi računa o zaštiti životne sredine.

- Definirati način prikupljanja otpada na području obuhvaćenom granicom Plana.

Prije usvajanja Plana pribaviti mišljenje na isti od strane svih nadležnih organa i institucija u skladu sa Zakonom o prostornom uređenju ("Službene novine Kantona Sarajevo", broj 24/17, 1/18), i ostalim provedbenim propisima i općim aktima nadležnih organa, kojima se određuju odgovarajući zaštitni infrastrukturni pojasevi i ostala pitanja po kojima je potrebno mišljenje nadležnih organa u postupku izmjena i zahvata u prostoru što podrazumijeva i Kantonalni Zavod za zaštitu kulturno historijskog i prirodnog naslijeđa.

Izradi Plana prethodi izrada sljedeće dokumentacione osnove na osnovu projektnih zadataka Nosioca izrade Plana:

- Ažurna geodetska podloga sa ažurnim katastrom podzemnih instalacija i posjedovnim stanjem.
- Elaborat o inženjersko-geološkim i geotehničkim osobinama terena.

Potrebno je da Nosilac izrade Plana verifikuje dokumentacionu osnovu prije izrade Plana.

Član 3.

Rokovi za pripremu i izradu Plana se utvrđuju kako slijedi:

- Odluka o pristupanju izradi Plana: maj 2026. godine,
- Ugovaranje i obezbjeđenje dokumentacione osnove za izradu Plana: juli 2026. godine,
- Izrada osnovne koncepcije Plana: septembar 2026. godine,
- Izrada prednacrtu Plana: novembar 2026. godine,
- Javni uvid i rasprava o nacrtu Plana: januar 2027. godine,
- Sumiranje i analiza rezultata javne rasprave: februar 2027. godine,
- Izrada prijedloga Plana: april 2027. godine,
- Usvajanje Plana: maj 2027. godine.

Dati rokovi za pripremu i izradu Plana su optimalni i zavisiti će od ispunjavanja uslova i poštivanja rokova koji se odnose na dobivanje podloge i geotehničkog izvještaja

potrebnih za izradu Projekta, te usvajanja pojedinih faza izrade Projekta od strane Općine (Općinskog vijeća). Za Nosioca izrade Plana rok se zamrzava od trenutka kad Nosioc pripreme Plana konstatuje da se pojedina faza Plana može poslati na usvajanje Općine (Općinskog vijeća) i ponovo počinje teći kad se završe procedure usvajanja na istom.

U rok izvršenja ne ulazi rok za dobivanje mišljenja od nadležnih institucija za komunalnu infrastrukturu.

Po isporuci Prijedloga Plana, Općinsko vijeće Hadžići usvaja Plan na narednoj sjednici.

Član 4.

Za pripremu plana potrebno je obezbjeđiti sredstva u iznosu 14.000,00 KM koje snosi investitor.

Član 5.

Nosilac pripreme Plana je Načelnik općine Hadžići.

Nosilac izrade Plana je Zavod za planiranje razvoja Kantona Sarajevo.

Član 6.

U toku izrade Plana obezbjeđiti će se sudjelovanje javnosti.

Član 7.

Do donošenja nacrtu Plana utvrđuje se režim zabrane građenja na prostoru koji je obuhvaćen Planom.

Član 8.

Stvorene obaveze u prostoru će se od nadležnih općinskih službi uvažiti kao zatečeno stanje.

Član 9.

Subjekti planiranja su Općina Hadžići, komunalna i javna preduzeća, vlasnici i korisnici zemljišta, potencijalni investitori i drugi zainteresovani subjekti koji iskažu interes.

Član 10.


Sastavni dio ove Odluke je grafički prilog sa ucrtanom granicom područja Plana.

Član 11.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-6276/2026
18. maja 2026. godine
Hadžići

Predsjedavajući
Općinskog vijeća Hadžići
Dženan Rizvo, s. r.



Na osnovu člana 32. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 14 i 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/13 - Ispravka, 11/18 i 1/20), Općinsko vijeće Hadžići, na 18. sjednici, održanoj dana 18.05.2026. godine, donosi

ODLUKU O PRISTUPANJU IZRADI PLANA PARCELACIJE "DROZGOMETVA III"

Član 1.

Granice područja za koje se Plan radi

Granica obuhvata polazi od tromede parcela k.č. 1137/3, 1134 i 4188, potom produžava na sjever, te jugoistok idući međama parcela k.č. 1134, 1186, 1187, 1185/1 (obuhvata ih) i dolazi do tromede parcela k.č. 1176, 1175 i 1185/1. Granica obuhvata nastavlja na jug, te zapad obuhvatajući parcele k.č. 1185/1, 1135, 1134 i dolazi do mjesta odakle je opis granice i počeo.

Sve gore navedene parcele se nalaze u k.o. Drozgometva, Općina Hadžići.

Površina obuhvata iznosi P= 2,79 ha.

Prema Prostornom planu Kantona Sarajevo za period od 2003. do 2023. godine ("Službene novine Kantona Sarajevo", broj 26/06, 4/11, 22/17 i 17/24) predmetno područje se nalazi u vanurbanom području Općine Hadžići, u granici građevinskog zemljišta.

Član 2.

Smjernice za izradu Plana

Cilj izrade Plana je definisati prostornu organizaciju koja će omogućiti formiranje funkcionalne prostorne cjeline za izgradnju stambenih objekata i opremanje prostora saobraćajnom i ostalom infrastrukturom, a prema sljedećim smjernicama:

- Analizirati postojeće stanje i definisati prostornu organizaciju sagledavajući područje obuhvaćeno granicom Plana i kontaktno područje, koje predstavlja sa istočne strane poljoprivredno zemljište, a sa sjeverne šuma i šumsko zemljište, kao kontinuiranu cjelinu.
- Prostornu organizaciju predvidjeti kao interpolaciju u postojeću prirodnu cjelinu.
- Planirati građevinske parcele minimalne površine 600 m² za izgradnju slobodnostojećih individualnih stambenih objekata.
- Parcele formirati tako da se omogući uklapanje objekata u pjezaž i istovremeno iskoriste vizure koje se pružaju sa lokaliteta.
- Dozvoljeni procenat izgrađenosti građevinske parcele (Pi) do 20%.
- Dozvoljeni koeficijent izgrađenosti građevinske parcele (Ki) do 0,6.
- Maksimalna spratnost objekta do SP1, zavisno od konfiguracije terena.
- Pri definisanju prostorne organizacije potrebno je voditi računa o racionalnosti saobraćajnog povezivanja unutar obuhvata Plana, s ciljem očuvanja postojeće prirodne cjeline u što većem obimu.

- Sve pješačke površine trebaju biti izrađene od prirodnih materijala.
- U potpunosti zaštititi vegetacijski oblikovane cjeline i maksimalno očuvati postojeći sastav biljnih vrsta, posebno stablašica, uz prijedlog unaprijeđenja njihove strukture.
- U okviru pojedinačne građevinske parcele potrebno je postojeći prirodni teren očuvati u minimalnom obimu od 70% od njene ukupne površine.
- Području obuhvaćenom granicom Plana se pristupa iz ulice Drozgometva. Predmetna ulica predstavlja saobraćajnu vezu lokaliteta sa centrom naselja. Potrebno je, u okviru granice Plana, planirati njenu realizaciju u profilu koji je definisan planom višeg reda.
- Saobraćajnu, hidrotehničku, elektroenergetsku, energetsku i telekomunikacionu infrastrukturu funkcionalno dimenzionirati u skladu sa definisanom prostornom organizacijom i propisima, na osnovu prethodno provjerenih kapaciteta postojećih mreža i mogućnosti njihovog korištenja za planirane sadržaje, poštujući rješenja iz planova višeg reda, uz obavezno usaglašavanje sa uslovima koje propišu nadležne institucije i preduzeća i vodeći računa o zaštiti životne sredine.
- U granici obuhvata Plana definisati način prikupljanja otpada.

Izradi Plana prethodi izrada sljedeće dokumentacione osnove na osnovu projektnih zadataka Nosioca izrade Plana:

- Ažurna geodetska podloga sa ažurnim katastrom podzemnih instalacija i posjedovnim stanjem.
- Elabort o inženjersko-geološkim i geotehničkim osobinama terena.

Potrebno je da Nosioc izrade Plana verifikuje dokumentacionu osnovu prije izrade Plana.

Član 3.

Rokovi za pripremu i izradu Plana se utvrđuju kako slijedi:

- Odluka o pristupanju izradi Plana: maj 2026. godine,
- Ugovaranje i obezbjeđenje dokumentacione osnove za izradu Plana: juli 2026. godine,
- Izrada osnovne koncepcije Plana: septembar 2026. godine,
- Izrada prednacrt Plana: novembar 2026. godine,
- Usvajanje nacrt Plana: decembar 2026. godine
- Javni uvid i rasprava o nacrtu Plana: januar 2027. godine,
- Sumiranje i analiza rezultata javne rasprave: februar 2027. godine,
- Izrada prijedloga Plana: april 2027. godine,
- Usvajanje Plana: maj 2027. godine.

Dati rokovi za pripremu i izradu Plana su optimalni i zavisiti će od ispunjavanja uslova i poštivanja rokova koji se odnose na dobivanje podloge i geotehničkog izvještaja potrebnih za izradu Projekta, te usvajanja pojedinih faza izrade Projekta od strane Općine (Općinskog vijeća). Za Nosioca izrade Plana rok se zamrzava od trenutka kad Nosioc pripreme Plana konstatuje da se pojedina faza Plana može poslati na usvajanje Općine (Općinskog vijeća) i ponovo počinje teći kad se završe procedure usvajanja na istom.